

居士傳



清·彭绍升编

# 居士傳

江苏廣陵古籍刻印社

新  
子  
知  
卷  
一  
PDG

## 居 士 传



江苏广陵古籍刻印社出版、发行  
广陵古籍印刷厂印刷

(扬州市凤凰桥街)

开本: 850×1168毫米1/32 印张: 27.5

1991年5月第1版 1991年5月第1次印刷

印数: 1-500 广陵编号: 093

---

定价: 38元

居士傳序

知歸子現居士身說法著居士傳屬予爲之序序曰  
知歸子學佛歸心淨土發決定往生之願者也究論  
往生之因因於一念之淨一念之淨卽成往生之因  
况念念相繼有不決定往生得觀彌陀者乎知歸子  
修淨土念念相繼其學佛也可謂密矣仰前修之匪  
遠表萬法之同歸自度度人度人自度著書之心可  
謂切矣若知歸子可以現居士身而說法矣予故歡  
喜序之以告世之讀居士傳者同學汪縉撰

居士傳發凡

佛門人文記載其專繫宰官白衣者故有祐法師宏明集宣律師廣宏明集集心泰佛法金湯姚孟長金湯徵文錄夏樹芳法喜志其以沙門爲主兼收外護者則有志磐佛祖統記念常佛祖通載以及傳燈錄續傳燈錄五燈會元東林傳往生傳諸書所錄事言互有詳畧或失之冗或失之疎至宋時恩居士分燈錄郭凝之先覺宗乘李士材居士禪燈錄並本五燈止揚宗乘於諸三昧法門有所未備今節取諸書者十之五別徵史傳諸家文集諸經序錄百家雜說視諸

書倍之裁別綴屬成列傳五十餘篇詳其入道因緣成道功候俾有志者各隨根性或宗或教或淨土觀感願樂具足師資但自唐以前簡冊無多披覽易徧自宋以後文字浩瀚耳目聞見搜討難周更望博雅君子惠以珍藏佐其不逮

護法之文須從般若光明海中自在流出乃爲可貴是書所載非其真實有關慧命者概弗列焉如王簡栖頭陀寺碑王子安釋迦成道記誠爲典瞻然文過其質於道何有柳子厚制諸沙門碑銘爲蘇子瞻所推服然如曹溪一碑和會儒釋與六祖壇經之古全

無交涉况摩詰夢得之文抑又遜之元明士大夫文字類多出入儒佛亦必其行解相應始堪采擇否則祇成戲論何足數也

宗門冒濫者多如夏竦呂惠卿章惇之徒既不足道卽白蘇二公其在佛門亦別有長處與宗門無與諸書所載機緣無可取者他如韓退之李習之周茂叔歐陽永叔諸先生平生願力全在護儒一機一境偶然隨喜不足增重佛門豈宜附會牽合莊點門庭反成謬妄此於教理違背非小故予是書持擇之間頗存微指不敢將就影響以誣古人以誣自心以誣教

理

隴居士之於宗李長者之於教劉遺民之於淨土百世之師矣三公者各專傳尊師也其他立專傳者大都軼邁等倫難爲匹儷雖不盡以三公爲繩亦庶幾近之者也

登地證果根基五戒而五戒者全體五常不踐五常何有五戒南北朝諸臣罔明忠孝之義妄談般若禪販如來至如魏收蔚宗復附通人沈約江總濫塵戒品以身謗法視崔浩傅爽罪有甚焉清淨海中不受死屍削而投之豈爲刻核若王摩詰柳子厚郭功甫



張天覺之徒先迷後復情罪可原善善從長亦庶幾  
春秋之指與

自昔言三教者其莫善於大珠乎或問三教異同曰  
大量者用之卽同小機者執之卽異總從一性起用  
機見差別成三迷悟在人不在教之同異也達此義  
者其宋之李伯紀明之趙大洲乎南北之朝釋道相  
爭唐宋之時儒佛相角總由不知性真常中本無同  
異尋枝摘葉安有了期至如周彥倫明休烈張天覺  
李純甫數子之論解紛挫銳不謂無功究其實際亦  
多離合獅子咬人韓盧逐塊智者觀指知歸昧者雙

迷指月世又安得盡大珠與之暢談三教哉

列傳中有不得詳其事跡者文富諸公是也非繫於佛法弗錄其事跡自載正史舉而著之非此書體也  
有不吝畧其事蹟者如宗汝霖趙大洲周景文熊魚山諸公是也其應於世者其學佛之精神也一切治生諧偶皆與實相不相違背不其然乎不其然乎  
是書始事於庚寅之夏削稿於乙未之秋中間辨味淄澠商量去取則吳縣汪子大紳之助爲多瑞金羅子臺山往來過蘇每相切磋訂其離合最後書成婺源王子顧庭諷誦一周讚歎歡喜捐金付刻普願見

聞隨喜發菩提心證圓滿果是則區區七年纂述功  
不虛施青蓮華海香光無垠一念歸誠同登彼岸不  
亦樂乎

題居士傳偈

菩薩戒弟子彭際清述

我聞觀世音 應身三十二 華嚴善知識

亦有五十三 比邱居士身 種種天人趣

譬如空中雲 隨風無定形 又如海上波

從日現五色 衆生眼所見 分別每熾然

豈知妙明心 非一云何二 憶我無始來

一念不自覺 生死六道中 念念入輪廻

貪染習已深 真色成晦昧 無明力所牽

顛倒惡又聚 因緣值此生 得聞無上法

深心發悲淚	長跪向佛前	誓盡此報身
永息輪廻苦	一念阿彌陀	究竟成佛道
虔焚秉淨戒	懺悔從前非	諦觀法界身
如幻不思議	况逢此震旦	大乘所出處
火中生蓮華	時時現希有	良哉東林賢
善權開方便	亦有龐與李	宗教扶雙輪
傳燈代有人	如虛空無盡	今雖末法中
典刑幸未沫	網羅舊文字	放此不夜光
如日月衆星	昭回四天下	一多互相攝
畢入菩提場	願以此功德	回施諸有情

現在及當來 有緣同聚會 讀我所著書  
各發無上心 南無佛陀耶 同生極樂國

居士傳目錄

傳一 ..... 一

牟融 ..... 安元

支茶明 支識  
支亮 ..... 竺叔蘭

竺長舒 ..... 關公則

孫興公 ..... 謝慶緒 戴逵

傳二 ..... 二三

劉遺民

傳三 ..... 二九

張萊民 ..... 張秀實

王喬之

宗少文

周道祖

雷仲倫

傳四

.....

四一

安陽沮渠侯

董吉

何曇遠

魏世子

陳參軍

劉謙之

嚴茶

荀生

傳五

.....

五一

何彥惠

求

點

周彥倫

到茂灌

裴幾原

劉士深  
任孝茶



劉彥和

傅宜事

傳六

七一

竟陵文宣王

傳七

九三

傅大士

傳八

一〇一

荆山居士

傳九

一〇九

昭明太子

傳十

一一三